

桐梓縣志卷四十八

文徵下集

詩三

賀劉總戎嶺生攻拔鋒尖寨

蔣銘柄

盛朝削亂擬鷹揚小醜胡為敢跳梁恃險縱能持鵠蚌當轅母
乃效螳螂空將金帛通歧路終致身家喪夜郎從此根株應並
剪川黔兩省靜邊疆

辰沉有將是干城誓把妖氛悉蕩平冒險直疑天上降出奇不
礙地中行威先百戰才無敵勇冠三軍氣自橫我亦部民應感
激擬磨崖石勒勳名

省吾破回應龍傾千載惟公繼盛名伏莽已寧巴子郡隕垣剛
比夜郎城昌黎入幕羣才聚充國談兵勝算成天欲吾黔除禍

桐梓縣志 卷一十 文徵志

二十

亂望教旌旆往南行

遊舊池

趙毓徽

主人無覓處夾岸竹崢嶸日靜花隨發風微鳥對鳴亭臺空有
迹絲管寂無聲俯仰非疇昔臨流悵舉觥

酬趙明府席餘

鎮遠 張兆蘭

已幸通蘭臭重勞賜錦篇王郎能砍地鄒衍善談天借箸看奇
策封章薦大賢茲行真不負結此好因緣

失城感作

趙敦厚

苦守孤城志不分何期失陷遁荒村大家相覷無生活瀰想瀰
哀淚各吞

世篤忠貞際盛時百凶逢此且吟詩誰人倡義驅豺虎碎首疆
場我不辭

世亂奉母移居石家灣

胡德芳

小人有母七旬餘風鶴頻驚膽早虛我效高飛雲裏鳥賊偏不
死釜中魚亂絲當斬心徒壯無米思炊計本疏青犢赤眉終破
滅潛身且自理殘書

和友人詠貪吏

巴蛇能吞象象盡蛇猶貪貪心死不止再世仍宰官聽我貪吏
詩請君其無謹本爲哭兀兒一丁不克睹流宕江湖間隨營作
官伴趨走長官前妻子事夫主長官何其偏許以文職補一保
爲小尉再保得明府無端附驥行鄰封正講武班次忽失常突
然擁關防通衢多達官供億殊非張或獻黑貂裘或呈白玉璫
半釐助揮霍獲上信有方亦喜爲柔遠則盜立門牆亦喜爲治
賦括穀賣軍糧誰謂民窮薄萬石飽私囊再拜告貪吏循良姑

桐梓縣志

卷二十一

文徵志

二

勿論己心卽人心廉恥便可認爲官徒侵掠盜賊將安訊厚積
遺何人獨身胡不醒

失城死難未果答趙思永

侯德揚

土匪無端起戰爭官逃卒散各偷生且將一死供人看恨我無
能學請纓

水漲淹城

侯德沛

神禹當年未卽疏忽然雨下蕩民居妻兒駭到炊無處商旅驚
從睡起初田穀概難防漂泊城樓多半是淪胥登高徧聽嗷嗷
者我欲君門一上書

老兵

鄒憲章

曾隸嫖姚通漠嶺又隨車騎出幽燕三邊遠戍塵侵日百戰餘
生雪引年莫向兵曹稽尺籍惟依帥府種官田漢家未與郅支

賞磨說創痕祇自憐

題楊海琴司馬虎口餘生作

丈夫北征作勞臣東海歸妖星當晝見烽火隔宵飛一劍橫腰
拂孤城入夢稀方今邊患少尙不昧戎機
憶我度遼日相遲又十年胡騎期死戰漢將喜生旋沙漠連天
濁長城積雪堅成樓聞畫角不敢枕戈眠

題謫仙祠

蔣燮琦

一代稱詩霸千秋慕酒狂文章無匹敵星宿有光芒應詔來金
殿遭讒謫夜郎中興功第一能識郭汾陽

懷古四首

婁璞齋

南朝不敵北朝親檜賊肝腸豈類人二帝青衣長灑淚八陵華
表竟沉淪腥羶詔命甘汚節忠武英雄枉殺身白鐵何辜蒙臭

桐梓縣志 卷二十一 文徵志

穢岳祠千載罵奸臣

詠秦檜

生姿刻覈效周官新法紛紛壞治安兩字青苗如挺刃一時赤
子盡凋殘得君信任神宗罕配享尊崇孔廟寒合視王盧都失

實商鞅變法可齊觀

刺王安石

恂恂儒雅一書生妙用胸中百萬兵軍令如山金虜懼精忠貫
日賊臣驚氣吞女直江湖湧威鎮朱仙汴水清絕代英雄三字
了風波亭下壞長城

甲岳忠武

仗劍揮戈輔二王朝廷雖小節彌張江心負展三更月海面沉
舟一瓣香水國魚龍生死決太常竹帛姓名香孤忠未遂精魂
壯扶得綱常萬古長

甲宋張世傑秀夫

赤壁古松

明德

山勢嶙峋水勢東懸崖百丈挂孤松濤聲日夜捲不盡終古一

龍蟠太空長風琅琅走萬里虬枝怒立拿雲起天荒地老古鬚
眉五百人家綠陰裏蒼髯野叟久摩挲春去秋來彈指過人事
滄桑那堪問閱盡炎涼嘯傲多年年一闋松篁引長有巢鶴眠
初醒瞥睇枝頭明月來倒挂半溪星斗影冰雪磨鍊歲寒姿生
成鐵骨門靈奇小劫任經秦晉火通溝頻遇宋元棋沉陰常見
霏漠漠四圍山影逼人肅朝雲未散晚煙浮併作虹關畫一幅
我來重訪赤松遊聞報鸞鳳嘯上頭占盡人間最清福貪看河
山歲月迺長生寶籙今參透九轉丹成元氣厚爲語田間輕薄
夫萬物都緣靜則壽

平大佛寺土匪紀事

楊名儒

清室將終匪蔓延假名革命各爭先提槍弄棒若瘋顛呼羣結
黨效點編拉搶鄉人當牲牲逃遁除非陸地仙不問人情只要

桐梓縣志

卷二十

文徵志

一三三

錢縱遇親識不加憐豈無一二足稱賢到此時間性變遷狂夫
隻手遽遮天阮月攀及溫連泉盤踞大佛古寺前勾來老搬共
周旋太平日久惟耕田突聞匪起駭茫然括盡貲財搜盡煙牛
馬豬羊一路牽二區民衆受熬煎激怒趙楊猛着鞭三區畢鄧
防堵連更約齋郎解倒懸一夜聯團數百千鎗聲震地礮轟傳
匪首先殺高橋邊佛寺圍困聲喧闐黠賊如魚先入筌賊衆已
無漏網緣宣告增援出四川一朝砍殺墜九淵時有國勇矢絕
絃可憐前驅生命捐開倉賞卹不須填全境公安獲保全無人
紀入太常篇此役卽在辛亥年

慰燕

謝雨金

嗟爾燕雙飛棲巢必待卜書室喜飛來依依傍我讀舊壘費綢
繆借此滋卵育生雛遂爾心愛之視如玉祇冀羽毛豐高飛出

幽谷無如患蕭牆致遭蟲蠱毒窶窶向余言居然深謗譎未嘗
嗾三解此罪非我屬但愧防範疎呼徒將蟲蠱因之舊巢易不
見有蝙蝠天壽知天心爾何傷獨宿遷地乃為良忙修爾邊幅
守城謠

劉懋森

女墻燈地爐火警夜捉人呼爾我一家一夫一夫一塚一解登

陣驚火光天黑人面紫悲風揚大旗殘夢迷茫裏饑鳴腸寒擊

齒二解老弱僮立霜雪號吟我來巡視一一諄諄匪我之多言

願爾同心三解雞聲柝聲四更五更邊月如箕欲明不明妖星

炯炯射人眼睛四解瘴消萬山出令嚴不敢逸更代相易歸守

夜復守日吁嗟乎民疲極五解里正如虎小民如鼠小民立里

正數小民逃里正怒里正偷安小民苦駐馬城頭淚如雨六解

遊鼎山步趙席餘原韻

桐梓縣志

卷二十一

文徵志

二四

百年古寺壯山城老樹陰陰入夏清雲氣盤空閒作態巖花如
畫不須名黔靈太古同陶性天姥從今夢李行絕頂晚霞人衣
錦好將復旦句重賡

太白亭

漢日蓬蒿土一邱謫仙何罪果長流兩唐人物詩中霸萬里關
山酒國秋塵讀新碑疑故石醉邀明月上高樓憑臨多少吟風
客贏得青蓮好句不

竹王墓

風吹畫角近黃昏萬樹蕭騷古戍原半壁河山巴子國一封印
綬漢家恩夜郎雖大人何在逝水空流祀不存莫問當年彝獠
事牛星山下弔英魂

癸亥破城

二月初五日

侯樹濤

幼聞賊破城癸亥二月底老見匪破城癸亥二月始天道何其
奇六十年如此慨嘆我溱州劫數猶未已小醜正跳梁蔓延禍
不止縣治共垂涎禍機釀表裏匪徒和警隊引導家家指入城
擇人食記號壁間寫城西駕雲梯礮聲隆隆起內外齊響應喊
殺驚人耳後山號火紅公署被焚毀縣長早潛逃其子中礮死
萬民哭聲哀不保妻與子壯者脫身走家業皆棄委老弱不能
行被拉如牽豕幸遇官軍追始獲還鄉里吾廬幸瓦全潛歸一
回視十室竟九空蕭條如水洗亂世人自衛城防宜整理未雨
不綢繆肉食者多鄙生靈受荼毒事過濡筆紀後來有所稽存
之當詩史

按同治癸亥賊入城徐令行逃其子被殺死後山縣內民
國癸亥賊入城羅令天全先期回遵其子亦被殺於署後前

後六十年遙遙相應

九盤子懷熊旅長其勳

上九盤峯廻幾曲路漫漫下九盤磴道一歇汗溥溥行人到此
足蹒跚咨嗟比之蜀道難前有劉縱征播總師干斬關奪隘戰
血搏後有王祥守此爲隘官西南形勝鞏於磐數百年來策治
安况復共和億兆歡何物洪憲思龍蟠頓使專制復活民摧殘
蔡公松波挽狂瀾間道滇南難發端黔軍響應旂揭竿北軍先
踞敵樓觀護國熊公登將壇獨當一面據征鞍運籌帷幄心力
殫櫓槍誓掃怒衝冠敵人聞之心膽寒兩軍相攻飛彈丸追奔
逐北始朝食保障夜郎登涅槃民國元勳磐石刊英風颯颯古
木攢長留遺愛縈巖巒

拉肥猪

世治猪宜肥世亂猪宜瘦肥者被匪拉瘦者得網漏堪嘆猪不
辰肥卽遇匪寇一朝捉之去非刑嚴拷究或搬猴子椿或吊牛
邊肘或坐軟板橙或加扛子蹂軟鋪懼難眠硬鋪更難就金線
吊葫蘆輾轉逐顛仆蜘蛛牽絲網直上若懸溜十指點天燭財
神共祝咒縲綆拘手足竹筒襯頸脰慘刻無人道刑律所罕觀
三日或一稱肥猪關滿廐儼坐活地獄不知昏與晝此猪要一
千減價不能售彼猪要八百求讓勿寬宥捲門錢若干籌食錢
在後斷指寫血書淚目若蒙督終日作楚囚盼望家人救迅速
備錢贖遲則畏不壽置死都賣錢數過許搬柩吁嗟乎猪兒有
何辜只因財豐富懷璧罪難追割等禽獸勸汝肥猪勿太肥
吾恐匪人食之猶嫌猪毛臭

拾觀音

匪焰太猖獗婦女都被擒一朝落匪手名曰拾觀音大士添聲
價奇貨值千金登壇受法戒綠林卽禪林蓮座美人椿刺指美
人針身似燃燈佛洋油遍體淋筆楚如擊鼓朝暮淚潄潄身受
千般苦慈悲救苦心莫非五百年菩薩大難臨

恩灘洞

在桐梓治南三十里

恩灘有奇洞洞高又邃奧兩山如削壁神工鬼斧造路曲若羊
腸天險實扼要上有堆阜突怒石巖巖下有飛湍激流波浩浩
鄉人避匪患全家此高蹈薪伐洞邊樹水汲崖間瀑饑則蒸黃
梁渴則烹茶竈恍住小桃源憑險可禦暴一夫守洞門萬夫莫
敢到匪焰縱猖獗險巖誰能冒卽令不畏死投石屢傾倒此洞
從未破佇看妖氛掃堪嘆邦人愚開門來揖盜不學虎負嵎與
匪講和好贈洋數千元安排牛酒犒孰料被匪欺以德將怨報

若輩狡而奸匪暗作鄉導洞門防範疎蜂入遂鼓噪聚一方精
華須臾盡散耗擄財更掠人無論幼與耄婦女加凌辱含冤無
所告一路哭聲悲中心實震悼訪聞此洞破何時壬戌六月十
一號

太白亭

太白天才文且武龍門聲價高今古後因獲罪遷夜郎來作江
山風月主孤亭屹立足千秋人去亭空江自流千樹梅花桐梓
驛一輪明月謫仙樓我慕古人祗徇久摩讀殘碑詩不朽試問
青蓮迎我否登臨亭上忻把酒

在桐梓驛

按太白亭俗稱碑亭桐梓驛即今新站在治北七十里亭內
豎碑刻蜀道難諸詩迄今尚存

桐梓縣志 卷二十 文徵志

二七

卽事有感

周西成

短策三年感長江萬里情民歌田野治賊盡道塗平寶藏新開
地茲歌不夜城大同竟何日南望頌休明

官倉填學舍和余允升

令狐楚

我有閒情久羨君同堂作述近希聞園林自占千山月禾稼全
收百畝雲幾輩樓臺中酒聖更誰旗鼓抗詩軍憐余好古孤
甚可許雄才一斗分

記曾前度念家山本擬登堂一拜還只意毫釐難面隔誰知咫
尺竟緣艱君方徹帳歸金谷我亦驅車載玉顏從此班荆念空
切相思疇爲解連環

江上吟

劉保汾

一片歸帆急濤來氣欲吞江山橫暮色沙浦落潮痕遠寺白雲

靜晚秋黃葉村漁家依岸宿炊火認柴門

婁關迎送周主席西成回桐省墓紀事

永寧人

李世祚

春色滿弓刀將軍氣倍豪門環雙戟重關擁一峯高草木登臨壯風雲擘畫勞相逢諸父老攜手話香醪

大書從天下鏡歌及故鄉風流羊叔子跌宕虎賁郎舊訪童游地新開畫錦堂葡萄趨末座再接令公香

邊墩消金甲車書一道同兵戎三載靜翰墨八分工細柳營江上甘泉出地中鄉關春正好行色又匆匆

冠蓋趨南浦經旬兩送迎飛車衝雨急鳴笛御風行周道真如砥燕然快勒銘買絲爭欲繡萬戶頌承平

送王總指揮家烈援川
三年別緒首重回此際欣看策馬來十日為歡詩句好一樽無

桐梓縣志 卷二十 文徵志

恙笑顏開愛君氣概豪猶昔愧我風塵吏不才高會更逢人上

壽手彈紅燭寫臺萊

經過桐梓
適值誕辰

東成銅陽又北歸關山迢遞尺書稀黔軍將士無休止蜀道干戈有是非天寶亂離傷老杜益州消息問支機江潭舊是屯兵地楊柳依依已十圍

虎峰寺

古寺峯高迥蕭然淨六塵嶺雲侵佛冷山鳥傍人馴碧化尋殘碣金剛不壞身定鍾澄萬象消息悟天真

弔竹七郎墓

蠻荒未破孕奇胎剖竹男兒亦異哉已去唐蒙王氣盡重來吳霸舊疆開通侯昆季分茅土亘古英雄盡草萊嗚咽祇今餘遯水一杯風雨不勝哀

毛軍長光翔假還

陳廷璋

毛公當日輔周京又見將軍善用兵前歲出防巴子國今朝入
總亞夫營狼驅外寇功無極鹿逐中原事竟成更喜隆恩推學
棧絃歌不輟魯諸生

重遊仙人山

余大猷

昔人重遊仙托蓬萊兮心怡然我輩復遊仙聯袂選勝衣蹠蹠
山高自古錫嘉名大抵有仙得自鳴不問仙從何處去桃源雞
犬恍聞聲當前方岳五雲起藤蘿天半飛湍水一鑑塘開底出
蓮何如海上神仙峙最後一峯高入雲仙人解佩聲猶聞檻外
千山如列艦雲霞明滅現氤氳拔虬龍兮踞虎豹仙人舊館得
其貌物換星移幾度更聳翠流丹又紛鬧重成正逢朔風烈樹
老枝枝撐凍雪雲歸壑冥霧漫漫雨洗仙人掌高潔把臂倦遊

桐梓縣志

卷二十

文徵志

二九

謝屐停虔心入廟蕪香馨頃刻霏開林日入山靈約我過前亭
鈎心鬥角行敦葦丈六金光射鷓尾曲徑通幽路又廻似此仙
寰曾有幾訪徧赤松邀白雲成評今古廣見聞螺峯仙洞詩囊
入曷若茲山煥志文况覘雲物知晴雨毓秀鍾靈著疆土洞賓
乘鶴戀高樓此地平捫天尺五仙子天臺去不還桃花流水響
潺潺此日問津重一住別有天地非人間

遊天門洞

婁 燾

嶮岨古洞劈空懸我試登臨望欲顛手未拿雲心已怯情殷撥
霧志仍堅眼將秋水雙雙洗人到春臺步步遷乍覺山頭銜落
日歸來猶帶石花蓮

行經鼎山城麓

高原一簇樹參天萬壑濤聲咽湧泉陣陣花風吹曲檻重重雲

氣覆層巔羊腸有路深難到螺髻留痕望欲妍借問鼎山城是
否居人點首喜連連

悼熊旅長克成城都陣亡

婁柱濤

出師北伐有威名未到燕山蜀也平祇道鳳雛扶漢統何期熊
夢冷蓉城行軍苦守攻心策野戰偏逢伏路兵最是英雄遺恨
處慘聞四面楚歌聲

過畢山長壽堂

金蓮撒炬仰流風考獻徵文待折衷底事黔中無大筆徒教爨
下有焦桐眉山學士今蘇軾絳帳經師昔馬融竊幸予生猶未
晚棄材無用遇良工

代王文齋作呈邑宰何鐵琴卸任榮陞

縣城花好春將去官舍棠陰愛莫忘一十二年餘德政望風遙

桐梓縣志

卷二十

文徵志

三十

拜送行忙

官渡春陰

黃符龍

中和佳節到春天日影陰陰官渡前水色光明山色暗桃花籠

霧柳籠煙

虎峯夜月

天宇清空夜不沉虎峯山上有禪林若非明月無私照難見孤

忠一片心

奢崇明之亂縣令
洪維翰殉難於此

蒙渡

猶樹藩

半壁西南道不通飛來郎將是英雄三巴勁卒從天下百越輿
圖運掌中古渡千尋溪水綠征帆片影夕陽紅鼉梁効順鯨波
戢威服蠻夷盡向風

三星橋

在翁官
壩關口

桐棊兩界夜婁遙高駕漆溪一座橋劉縱當年開古道唐蒙渡
後又今朝丹梯接引行人夥綠樹繽紛駟馬驕任爾中流波浪
大擎天砥柱托雲霄

魁巖夕照

侯樹濤

浮嵐匝樹門斜陽萬仞屏風玉色蒼最是晚霞明滅處洞中仙

女曝雲裳

上有仙女洞相傳昔年常有仙女形影

婁山晴雪

銀界三千到眼迷晴空筆岫插雲霓昔年奪隘思劉縱雪擁婁

關沒馬蹏

明末馬應龍據番州以叛劉縱將軍奉朝命征之嘗師至婁山關萬峯插天中通一線攀巖毀柵魚貫而入遂勦滅

入遂勦滅

爬抓溪

猶海龍

我不知爬抓溪之陵谷如何深橋高水低千百尋又不知爬抓

桐梓縣志

卷二十

文徵志

三一

溪之山坡若干級上了黃巔樹又要歇上極九天下通九淵羊
腸鳥道蟻轉螺旋舊路木交口行人陡上陡新路馬鞍山仍從
壁上走將欲振翼學鳥飛羽毛無奈不豐肥將欲問天一搔首
溪流霍霍水聲吼將欲趕船趁順風三灘二峽水尤凶槌鑿有
五丁隨刊有神禹鞭石有祖龍拔山有項羽大呼強有刃者一
齊來打銷不平都自今日始

堯龍山

一輪紅日當頭上堯龍之高窮所望山頂上接九重天四面羣
山難比量山於江津稱祖山山於桐梓集仙班蓬萊弱水飛難
渡囊加台竟克虹欄上有石笋參天立囊氏以還干戈輯校米
殿下蓮花池食德飲和久安集戊午己未亂如麻十室人民空
九家起視山容忽愁慘巖谷花柳少光華甲子而後山發笑山

若預知天玄妙試問山靈笑爲誰妖星掃去福星照一愁一笑
山無心一治一亂關係深全縣之山斯爲大山之神奇令人欽
吁嗟層巒鼻窾狼煙起鏘尖山史相終始欲爲羣山一洗之傾
倒松江難能矣松江之水水環流崑龍一山在上頭將於山半
開馬路且問山靈繫那處

河工

金章

盤龍之水極盤旋壽國之山亘當前急流不容橫流逆殃及桐
城萬畝田有志移山移不得東淘西鑿終湮塞或開明河或暗
河壘土如山兩岸仄邇來河水迭爲災一日滂沱萬夫開滔滔
洪水誰能治費去黃金可築臺摩華穿渠人已杳縮地鞭石誰
可使欲將陷溺拯斯民神禹遙遙呼不起吁嗟夫播川當時遷
縣治未聞年年將水避如說三消洞不消方洞涪洞又何地君

桐梓縣志

卷二十一

文徵志

三

不見巴拿峽蘇彝河何不效關明河永世利

葫蘆洞

一曰盤龍洞

貴陽人劉煦燾

漆水源頭來百里今年五月患洪水幽壑窒塞造化窮搔首問
天天不理我來賸得半溪渾溪邊猶餘落漲痕亂山環塞水無
路惟見一洞迎波吞繫馬綠楊波鏡照化工何年闢茲竅洞開
巖腹洩泉流傾耳恍聽盤龍嘯此中石龍伴雲眠相傳鱗甲皆
宛然木龍惜遜陳堯佐殺水俾民無凶年漩濃滌澹出石穴衆
水會歸資蓄洩豈知過此一重山馬江古洞又哽咽父老隔岸
舉手招遙指此洞名三消倘或滲漉不遑暇觀者驚爲曲江潮
田廬化作蛟鼉宅嗷嗷哀徧鴻雁澤汜濫不止愁吾人徒以不
仁怨河伯受禍不知凡幾春稻梁空嗟三百困雖然囊哲策治
水如絲九載功弗成悼功弗成歌瓠子白馬白璧沉水涘冀以

一誠感蒼天負山跂望夸娥氏非關禁水出左慈非必塞石有
若思又非淮水滯桐柏豈須怪鎖巫支祁水氣勃戾每至夏務
光一書足嗟呀安得秦政穿驪山安得巨靈擘太華禹鑿龍門
事可師決策光緒中葉時魏侯創建未歲事何侯毅然接踵之
鳩工庀材事鑿掘負之昇之累年月人力既窮用火攻虺虺競
號雷聲發事過卅載君始來君聞其詳君應哀淵淵十萬金錢
窟簇簇千人血肉堆有事山川成功告撫絃當拍薰風操世世
有利我子孫戴茲大德何以報魯公浦與苗公河白鄭二渠名
不磨鑿載口碑志遺愛今人古人去幾何我觀舊蹟欣賞玩又
聞此語增慨歎猗歟二侯抑何賢拯得生民出塗炭溱州伊古
隸梁州章亥西南步未周決流所治千百國何以此地遺民憂
沱潛既道岷嶓藪蔡蒙旅平和夷績本紀考史並考書當年禹

桐梓縣志

卷二十一

文徵志

三三

迹載歷歷此間僻陋在蠻夷不遑土色變青黎則讓成賦既不
及車船樞樞所棄遺神禹疏鑿留罅隙後人禱之寅夙夜隨山
濬川粒蒸民美哉功不在禹下微禹其魚雖不誣歷朝河患無
時無觀此巨工忽發歎恐難鞏固無疎虞年來洞腰果傾壓媿
乏始皇輒石法見義欲爲氣尙雄腰間青龍鳴寶匣漢漚復由
節度賢蜀陂復由太守錢欲美之彰盛名傳賴有爲後續爲前
兩人久立腰脚軟賈勇尋幽踏苔蘚攀藤挾石到洞門水出潺
湲白雲淺數千百丈掛懸流瀑布一疋長不收汲泉煮茗坐洞
口炎天一味涼新秋宋君抵掌陳迹述清言霏霏灑玉屑坐談
立談樂不疲恨無魯陽揮戈日歸途樹影綠浸裙紀事新詩詠
竹輿吟成留與輶軒探他年探入河渠書

民六丁巳

天生寨

即保
安寨

仁懷

任象乾

一峯高聳插青天星斗依稀近眼前
扼險逾於關百二遊行勝似界三千
茅廬慣向崖腰結曲徑偏從石壁懸
任爾萑苻生滿地桃源仙境憶當年

酌月吟

譚鈞陶

開窗待月月徘徊舉杯邀月月初來
有酒無月酒興孤有月無酒月疑猜
有酒有月兼有我三者缺一原不可舉
酒勸月月勸我我同月醉酒量頗想是
前身我是月月兮我兮難分別一斗不
醉復一石月倍明兮我倍潔舉頭問月
月何圓上弦十日又下弦月不應我微
示我消長虛盈理顯然我今見月我不
忘知進知退知存亡月麗於天常如此
人生於世當守己一切榮枯何足計把
酒酌月識化理長此對月醉千鍾宛如
把酒飲月宮

鐔尖山

楊如玉

桐梓縣志

卷二十

文徵志

三四

一峯尖聳夜郎天酷肖犁鐔碧落懸
遠望松江浮旭日近臨樊道控蠻煙
太和團衆憑陵險果毅軍人捷報先
巨礮萬斤移不得長留遺跡鎮山巔

送郎壩

郎俗呼男

楊顯

郎去何時返郎歸妾尙留妾心原似石
終日不回頭橋度虹高拱塘深鴨自浮
傳聞陳信者好作夜來遊

寨壩山

猶驥才

一寨橫天外羣山一覽中扶歡場拱北
興旺市居東溱葛雙流合棊桐兩路逢
愚公如再見更喜便交通

白鷺埡

青天鷺一行高飛舒兩翅兩山闔對排
中剛通一隧右寨萬二坡左寨寶堂寺
鎖鑰黔北門建瓴贏地勢每屆戰爭年
營壘爭

斯地俯擊甚便宜仰攻殊不易昔在咸豐時匪徒太放肆綦令
武廷鑿於茲嚴守備亦越同治初江令侯攝縣事聯合綦桐南
共切同袍誼潘成兩川軍首先據地利白號及青苗望風皆走
避及今第六區團防不改置爲國守邊郵時時警烽燧眼底走
青年榮懿舊縣治妖氛掃四鄰慎勿輕委棄及早整邊防鎖關
爲主義

馬鞍山古松次趙君句之原韻

張仿陶

古樹亭亭幾許年喬松聳出古巖巔濤聲霍霍龍盤踞鱗甲層
層蟻轉旋雨露飽經千載壽風霜高接九重天張良已邈無知
已又得先生續舊緣

按馬鞍山在松坎古松一株千年之物與前錄明孝廉德所
詠赤壁古松同一樹也

桐梓縣志

卷二十 文徵志

三五

辛亥十月間反正感作二首

侯樹屏

光復神州舉義師同胞慶脫滿人羈三軍氣壯吞胡羯五族聲
懽樹漢旂政治掀翻專制體河山締造共和基此身猶幸逢明
盛權效嵩呼晉祝詞

古今世變感滄桑大漢官儀弛復張天意維祈驅獫狁國魂喚
醒賴康梁應知北伐爭民主欲駕歐西在自強發難羣公堪不
朽堂堂漢族有榮光

夜郎十景竹枝詞

僅錄四首

趙興璠

鳳凰閣下夜郎天高塚相傳李謫仙如果當年曾葬此何云抱
月到江邊

太白墳

指點場前五老峰一峯宛轉一支龍熙來稷往思攀附化作祥
雲片片從

五龍場

上枕山崗下帶河先塋卜葬歷年多鍾靈毓秀饒人傑小小功名未脫科 大收培

土司前代設官衙遺跡依稀認不差漫道千年經百主當時華屋是誰家 大屋

桐梓劫運長歌

邱 夏

民國壬戌十三年驚濤駭浪禍滔天五族人民皆陷溺神州板蕩不安全回溯當年革命起國民目底無天子護國護法大興師烽火蔓延及桑梓我邑從茲門戶開勝固無福敗有災時為兵兮時為匪三翻兩次胡為哉地方處處受損失倉箱括盡鮮充實醞釀奇荒今古無辛酉之年推第一省垣又起大波瀾 壬戌北路駐防三梯團軍心愈變匪愈烈土地全無一片乾灘匪 陳牛劫城當夜半拉牽良民猪一串 癸亥二月初五日防軍坐鎮後山坡 葛營

桐梓縣志 卷二十一

文徵志

三六

副長初一出示歸各連附 俯視難民狐鼠竄夜守維堞晝謀生

出入難逃猛虎行或拉或殺或姦搶任何軍隊日皆盲幸有周

師來靖難 二月二十日 四月退駐渝南岸滇軍援蜀 九月 又回滇亂軍

數萬糧難辦滿駐民房有月餘 全上月二十三 摧殘棟宇無完廬

文武聖廟及男女 取攜什物惟隨意十家房屋九空虛防城司

令 江 稱游擊繼以三團稱獨立如林師旅保空城天天費用

難供給一波未平又一波湯師假道籌米多一日軍糧數十石

飲恨吞聲喚奈何開向湖南拉老少教員婦孺連聲叫行遲擊

斃道途中掉頭不顧惟嬉笑煙割回家尙未乾持戈執戩狀如

彘入室卽云快稱好稍遲去見司令官估送軍糧嫌不便紛紛

搜括城鄉徧倒篋翻箱括地皮還說家中有餘羨濫發錢票萬

五千又收特別猪鹽捐 猪一雙收二元 詐稱搶劫 詐稱有匪挨

軍士各部更借款或一每日要捐小菜錢十日無知婦女

不過百餘名內嬖諸姬外二五私娼設在司令部

點污多大權傳與胭脂虎九秋朔日天初明槍礮連聲若雷鳴

部下匪軍生叛變擒住毛瑟別號之往西行泮香接防需餉款三

千之數刻難緩毛琪婁山蘇捲棚營壘相連兵紮滿我方倚重

若泰山殊未雞鳴早出關景五林三又將滇軍至日十八雞

犬難求一刻安入室閨房多挾帶肩挑手執沿街賣楚矢良弓

楚得之值錢東西那樣在搜盡城中又四鄉取來什物如探囊

臨行一夜大搜索有物難教剖腹藏驚鳥歸巢方網漏共道兵

災今已夠破啼為笑無幾時霹靂一聲天地覆驚魂奪魄睡夢

中披衣起聽砲轟轟是匪是兵渾莫辨防軍乘勢絕城東防軍

絕出滇軍入人民駭得滿城哭壯者脫逃散四方最慘軍留老

桐梓縣志 卷二十 文徵志

與弱滇軍據城民恐慌滇軍離城民安康如茶如火如梳篦安

得黔軍復舊疆彭師經過又猶旅供應糧秣稱幾許雖然買物

給成錢無如凶年少穀米加以兵隊時往來為籌軍費耗民

財富者垂貧貧者死沿途餓殍實可哀吁嗟君不見山間紅子

處處折林內蕨根層層撥饑民仗此過寒冬形如鶴立無人色

慈善發啓會中人一救瘟疫二救貧牛濟病民施醫藥牛濟凶

荒賑貧民我願斯會有終始一德一心無彼此幸福長此迨桐

民頂祝馨香徧梓里劫運之大大於天痛苦之深深似淵甲子

以還亂始定好將原委記蒲編